

HEZKUNTZA. Erresuma Batuko ingelesa euskaraz ikasteko aukera izango da, eta gainerakoak, gaztelaniaz

Teknologia berriei esker hizkuntzak ikasteko era abian jarriko da 2003an

Jaurlaritzak eskainiko du sei hizkuntzatan 'on-line' nahiz 'off-line' trebatzeko sistema

Luis Karlos Garcia | GASTEIZ

Eusko Jaurlaritzak teknologia berrien bitartez sei hizkuntza ikasteko aukera abian jarriko du datorren urteko martxoan. Hezkuntza, Unibertsitate eta Ikerketa Sailaren ekimenari esker, Erresuma Batuko ingelesean euskaraz trebatu ahal izango da; gainerakoak (euskara, Estatu Batuetako ingelesa, alemana, frantsesa, italiara eta gaztelania) gaztelaniatik ikastea baino ez da izango oraingoz.

Lanbide Heziketa eta Etengabeko Ikasketa sailburuorde Jorge Arevalok EGUNKARIARI adierazi dio Eusko Jaurlaritzak urtebete daramala lanean «gaur egungo gizartean hainbesteko garrantzia duen hizkuntzen ikasketari buruzko auzia konpondu nahian», eta, azkenik, teknologia berrien erabileraz baliatuta, herritarrek ikasi ahal izango dutela «oso modu errazean eta oso diru gutxi gastatuta».

Web orrira, 30 euroren truke

Hiru eskaintza egingo ditu programak. Alde batera, norberak ikasi nahi duen hizkuntzaren web orrira sartzea izango du zuzen, 30 euroren truke. Aurreikuspena da 450 ordu ikasita lor-

tuko dela oinarritzako maila (ariketak barne, 1.400 orduara joango litzateke). Izan ere, zortzi maila izango dira, eta bakoitzak 60 ordukoa izango da.

Bestalde, sarean ibili nahi ez duenak, ikasketa prozesua bilduko duten disko konpaktuak lortzeko aukera izango du (bakoitzak lau euroko kostua izango du).


Tutorizazioa, 37 euro hilabeteko

Gainera, ekimenak tutorizazio zerbitzua eskainiko du nahi duenarentzat. Horren prezioa izango da 37,5 eurokoa hilabeteetan, eta ez da kontsulta mugarik egongo.

Hezkuntza Sailak hizkuntza akademien «elkarlana» bilatuko du tutorizazio lanak gauzatzeko, eta baita ikastaroen ekitaldi osagarri batzuk egiteko ere.

Arevalok espero du Eusko Jaurlaritzaren eskaintzak herritarrengan «harrera ona» izatea, areago azken bolada honetan hizkuntza akademiaren baten inguruan sortutako ika-mika aintzat izanda.

Ikastaroak *e-learning* (ikasketa elektronikoa) motakoak izango dira. Hizkuntza gaitasun guztietan trebatzeko aukera ematen dute, hala ahozko zein



IRATXE ASTUY

Teknologia berrien erabilera bultzatu nahi du Eusko Jaurlaritzak.

HIZKUNTZAK

Ingelesa, euskara, alemana, gaztelania, italiara eta frantsesa ikasteko aukera izango da

ABAGUNEA

Jaurlaritzaren arabera, «oso modu errazean eta diru gutxi gastatuta» ikasi ahal izango da

idatzizko adierazpenean nola ahozko ulermenean, gramatikan edo hiztegian. 15 urtez gorakoek erabili ahal izango dute.

Sistemak ahozko ezagutza era modernoan ditu, ahoskatze akatsak ohartarazten dituen teknologia barne.

ETENGABEKO IKASKETA

Ezagutzaren Makro-Ataria

Hizkuntzak ikasteko programa adierazlerik nabarmenena da Eusko Jaurlaritzako Hezkuntza, Unibertsitate eta Ikerketa Sailak datorren udaberriko abiaraziko duen Ezagutzaren eta Ikasketaren Makro-Atarian. Anjeles Iztueta Hezkuntza sailburuaren taldeak ekimen estrategikoa sustatuko du (3 milioi euroko inbertsioa du lehendabiziko fase honetan), «etengabeko ikasketa prozesuaren aldeko bultzadan». Abiapuntua da Eusko Jaurlaritzak egindako lan mardula Araba, Gipuzkoa eta Bizkaiko etxeak informatizatzeko. Gauzak hala, Arevaloren hitzetan, «orain edukiak eman behar dizkiogu jendeari». Ekimenak 4.550 pantaila eskainiko ditu euskaraz, bi eratara: bide «formal» batek ezagutzak emango ditu gai mota guztiei buruz, eta beste batek sareko jolasei esker ikasteko modua emango du (besteak beste, etxeko lanak egiteko zalantzak *chat* sistemeekin edo posta elektronikorekin argitzeko era izango da). «Asmoa da biztanleriari kontsulta, dibulgazio eta ikasketa sistema zabala eskaintzea, sarearen bitartez», dio Lakuak eskaintzaren inguruan prestatu argibideak. Makro-Atariak denetarik agertuko du (zientziak, entziklopediak, zerbitzuei buruzko informazioa...), eta era errazean eta laburtuta eskainiko du beti, hori bai, zabaltzeko aukerarekin.

HEZKUNTZA. IAren ekimenez, bilkurak izango dira ostegunean campusetan, eta ostiralean, berriz, ertainetako zentroetan

Ikasle Alternatiba gauzatzeko era aztertuko da ikastetxe bakoitzean datorren astean

L.K.G. | GASTEIZ

Euskal Herri osoko ikasleek bilkurak egingo dituzte datorren astean iragan ikasturtean sortutako Eskola Euskalduntzeko Ikasle Alternatiba garatu eta gauzatzeko erak aztertze asmoz, Ikasle Abertzaleak (IA) elkartearen Miren Zabaletak eta Alex Marañonek atzoko prentsaurrekoan adierazi zuten.

Asanbladak izango dira, ostegunean, campusetan, eta ostiralean irakaskuntza ertainetako

zentroetan. Larunbatean, berriz, Ikasle Gaua ospatuko dute Usurbilen (Gipuzkoa), non kontzertu erraldoia eskainiko duten Berri Txarrak, Betagarri, Inadapats, Marea eta Su Ta Garaldeak.

Alternatiba, borrokarako tresna

Zabaletaren arabera, hiru apustu nagusi jarri ditu IAk 2002-2003 ikasturteari begira. Lehenengo eta behin, Ikasle Alternatibaren aldeko lana zabaltzea ikastetxe guztietan. «Alternati-

ba euskal ikasleek hizkuntza eta kultur eskubideen aldeko borrokarako tresna egokia da», azpimarratu zuen.

Ikasle Alternatibak bost proposamen nagusi ditu: Lanbide Heziketa zein Unibertsitatea euskalduntzeko aldarriaz gain, oro har, edukiak beraiek ere Euskal Herrikoak izatea exijitu du; era berean, A eta B ereduaren kontrako mezua zabaltzeko; hala, egutegiaren jaieguna arrotzen aurka jo du.

Horrezaz gainera, IAk segida

emango dio batez ere Espainiako Gobernuak plazaratzen dituen lege arrotzekiko intsumisio estrategiari: «Ez dugu onartuko lege arrotzak hemen aplikatzea».

IAren hirugarren lan esparrua izango da LOUren aurka borrokatzeagatik errepresaliaturik izandako 34 ikasleen aldeko lana gizarteratu eta sakontzea.

Aurreko ikasturtea, «oparoena»

IAren irakurketaren arabera, aurreko ikasturtea azken hamaretako «oparoena» izan zen. Hala, bi mila ikasle inguruk parte hartu zuten Euskal Ikasle IV. Biltzar Nazionalan, non bi-

dea eman zioten Ikasle Alternatibari.

Ikasturteon, Alex Marañonen aburuz, dokumentuak zehaztutako «aldarrien aldeko lanari ekin beharra dago». Horretarako egingo dira burrunbak, eserrialdiak edo manifestazioak zentroan bertan. IAren ustez, «garrantzi berezia hartuko dute ekintza intsumituek».

Marañonek gailendu zuen Ikasle Alternatiba «proposamen eredu integrala» planteatzeko duela Ikasle Abertzaleak. Horren aurrean gaur egungo eredu «arrotza» dagoela erantsi zuen, «bistan denez, ikasliburuetan edo hizkuntza tratamenduan».